

摘藻堂四庫全書薈要

史部

欽定四庫全書叢要

史部

硃批諭旨卷一百二十五之九

詳校官編修臣繆晉

欽定四庫全書蒼要卷八千三十一

史部

硃批諭旨卷一百二十五之九

硃批鄂爾泰奏摺

雍正六年十月二十日雲貴總督臣鄂爾泰謹

奏爲恭謝

聖恩事雍正六年九月二十八日臣齋摺家奴蒙

恩賞給驛馬齋回

御賜臣玻璃瓶四件番八緞二聯重陽糕一匣松仁糕



佛手糕青果糕梅蘇糕各一匣乳皮酥乳餅共一匣白石榴一簍抵滇臣隨郊迎至署恭設香案望

闕叩頭謝

覽卿奏謝矣

恩祇領訖又十月十五日臣標千總施宏遠蒙

恩賞給驛馬齎摺回滇臣恭迎入署敬啟摺扣伏讀先後

硃批獎勵矜憐如聞

天語裁成指授如對

天顏臣身居萬里心戀

九重敬念

萬壽令節不獲與在廷諸臣同侍

左右共效趨蹌復以苗疆未靖料理需時又不敢具

奏陳情恭請

陛見瞻依之私日久倍切懇祈

聖慈垂鑒臣於事竣之日馳驛赴京俾得以跪覲

慈顏親聆

君臣歡會有日二年之內何必動此念也  
聖訓計往返不過五月底得少伸愚忱而於地方事務

亦不至遲悞爲此繕摺恭謝

聖恩伏乞

聖主睿鑒

俞允施行臣謹

奏

覽

同日又

奏爲欽奉

聖諭事竊照粵西西隆州八達寨兇夷顏光色等肆橫  
抗拒屢傷官兵及至大軍齊集計窮勢迫賊黨將  
首惡顏光色光東殺獻請降經臣節次摺

奏因賊黨恃險負固仍行支延不即投誠臣行令該  
鎮協等作速會兵進勦據報於八月二十八九兩  
日破壘燒寨殺死賊衆無算倒戈投降及奔竄擒  
獲之把事抱金等計共男婦一百八十餘名口逆

賊已靖賊巢盡燬顏賊家屬應聽粵西文武協同  
緝捕滇黔官兵俱於九月初四日撤回等情臣已  
繕疏

題報在案續於九月二十八日齎到臣前報明粵西  
土目摺內荷蒙

硃批提督田畯又親往矣但廣西兵將業已氣餒田畯  
亦係中材料此事伊等未必能成功卿當身任料理  
有何分疆界之嫌疑也賊衆經此一番必然氣盛諸



凡不可輕視所調進取將弁務令慎重從事可也欽  
此及十月十五日齎到臣摺內又蒙

硃批廣西兵將既如此伎倆卿當獨任料理之一切機  
宜遵旨通飭行欽此又據提塘鈔稟知已經奉

旨廣西八達寨獯苗素行不法經田畷奏請撥兵勦撫  
而籌畫辦理未能周詳派兵數少所遣之員又非練  
達以致賊獯聞信預先準備近聞官兵屢攻不克輕  
率先進致傷官兵朕心深為軫惻向來廣西營伍廢

弛兵丁懦劣而提督田畯才猷中平總督孔毓珣相  
隔路遠難以辦理著將廣西提督以下弁兵悉聽鄂  
爾泰節制調度其從前進勦猥苗被傷之弁兵著該  
督撫優加賞卹將來事竣之日仍照例加恩欽此臣

查顏光色等本係小醜縱夜郎自大實擒治不難  
獨以巢穴堅牢器械銳利粵省弁兵先有畏避之  
意以故臨陣不勇益致猖狂今雖仰仗

天威不旬日皆已屠滅然逆賊家屬早經逃匿兇惡黨

羽多未擒獲為粵省計正應趁此聲勢搜除惡類  
將附和餘衆加意安插庶可懲一儆百而方半功  
倍乃提臣田畯計不出此於九月初四日抵八達  
隨於十一日回柳僅留遊擊一員駐劄彈壓似此  
料理殊屬疎漏臣查訪顏賊之妻子家口現在粵  
屬之底母八白寨其附和黨羽聞約聚數百人現  
在粵屬之馬白寨臣接准部文後即當通飭將弁  
並剴切示諭有自來投誠者免死安插其抗拒擒

獲者立行正法再咨商粵西撫臣令該管州縣將附近八達各寨遍行撫慰嚴禁胥役毋得藉端恐嚇務示之以信然後夷心可安粵獯強悍非諸苗比並非僅兵威可以伏制也再賊黨抱金等總兵蔡成貴原不應帶回安籠因其畏法先殺賊獻首旋即投誠而呈詞內又有粵員激變不願歸粵之語若解交粵省反恐滋事故暫准帶回現在發審俟審詳到日或就黔省安插或另遷徙別省臣當

酌議會同粵撫臣請

旨遵行至於安籠遊擊田昌友等雖深抵賊寨折損弁  
兵但既奉軍令何敢退却而兩路粵兵不能前進  
亦豈能預料田昌友等似應無罪而粵員按兵不  
動之語實屬卸過之詞右江鎮總兵官段宗岳急  
欲滅賊不量兵力調度失宜則誠有之若謂其柔  
懦觀望尚不至此即粵屬遊擊常顯虎領兵初到  
八達被賊子詐誘暗築礮臺堅固巢穴以致屢攻

孔毓

不克是時總兵段宗岳尚未到營兵少而弱何能  
珣之奏亦同朕原料情理亦是

擒捕是常顯虎雖事無可辯亦情有可原今既賊  
首已戮賊寨已平似可仰邀

聖恩均予寬免以勵後效除俟准到部文欽遵料理外  
所有此案情節理合備細陳明伏乞

聖主睿鑒施行臣謹

奏

今命卿兼督粵西一槩酌量合宜料理奏聞可也

同日又

奏爲覆

奏事雍正六年九月二十八日齋回臣前摺內奉

硃諭此係祖秉圭之奏朕前批諭昨伊到京繳進隨便  
發來卿看欽此臣細看祖秉圭奏摺敬誦

硃批此事汝識見卑小矣豺狼驅入內地而不能化任  
其野性永爲地方之患爾身爲大臣職掌封疆忍心  
坐視乎若言不完糧爲失體便今直省百姓能人人

遵法完納乎失體豈在此此皆從前督撫任任推諉  
代代因循之所致天工人其代之若遇實力爲國家  
利害置於度外之人自能料理欽此伏查貴州苗夷  
素多不法擾害居民難以枚舉祖秉圭固已深知  
據稱貴陽等四府之苗最爲悍野自長寨等處盡  
法懲創之後皆喪膽畏服又稱都勻府數處尚有  
負固不法欲撥兵懲創又稱有事則必加懲治不  
事姑息是祖秉圭亦知懲創者現俱畏服負固者



終須懲創矣乃以早經就撫之八萬古州而謂不  
必取現在橫肆之都勻等苗而又不即治然則禦  
苗之道豈僅大張曉諭而遂可以畢事乎至稱一  
加懲創則皆可安靜無事但嗣後偷竊小事不敢  
保其全無等語此則浮游之論瞻顧之情竊照苗  
疆險遠夷性貪頑無論懲創之後偷竊小事斷不  
能全無即安靜之後燒劫大事亦料所時有縱日  
後反復爲患與目前橫肆爲患者孰遠孰近孰多

孰寡若或慮及將來因而遲疑現在將利害之念重則民社之計輕若大若小必無有肯擔任一事者臣本係凡材非不知事關重大力不能勝自蒞任至今請勅請撫若有急不可待者實以身受

殊知萬難報稱良心不昧血氣未衰務期及臣之身爲苗疆荒服稍定規模俾後來勝臣者易於布置即不及臣者亦難以推諉故如長寨如泗城如烏蒙鎮雄如鎮沅威遠茶山車里等件雖多人勸阻諸

務艱危而立意不回誓欲掃蕩者萬里臣心殊未  
敢稍懈夙夜也且祖秉圭亦知以人道責豺狼難  
以奏效矣殊不思以人道責豺狼固不可以化誨  
若以豺狼待豺狼未嘗不可以羈縻今豺狼入內  
地且復傷人而曰不可殺並不制是厚豺狼而  
薄人人將何賴在祖秉圭所難者原不在八萬古  
州知臣此舉必先由丹江丹江逼近腹地兇惡強  
悍即現今抗拒官兵伊所稱都勻黃平一帶負固

苗也恐不能勾當或致貽累故先事密陳而黔省  
傳言謂丹江生苗原欲就撫因祖秉圭先不肯招  
撫言之甚力後於教場操兵時又揚言於衆謂生  
苗必應勦滅斷不留遺種以故丹江聞風牢作準  
備即提臣楊天縱手札亦有祖撫軍何不說撫必  
定說勦此人心不可測等語然此事實出情理之  
外臣不敢全信其有也再化出生苗一件臣前赴  
黔與楊天縱面商密委劉成謨何經文等行事祖

秉主任藩司時即不以爲然續見化出數百寨欲  
入銜詳報楊天縱謂此係總督專委之事藩司並  
未與力如何假得從此益不悅後署撫事又有化  
出生苗楊天縱照例欲令赴省叩見伊先阻止且  
向司道說那裏閒錢賞他楊天縱深爲之不平後  
臣聞知隨寄札勸解茲看摺內專指提臣撫臣而  
並不及臣者以此案叨蒙

聖恩獎勵逾分伊隱約其詞意謂臣無功冒

賞也至於銀兩米石錢糧兵餉多少費省等語實因識見卑小故議論鄙陋多自相矛盾敬讀

聖諭諄切周詳莫不洞燭臣諷誦數四且感且奮不禁涕淚之沾襟也伏念易爲之事定有先臣而爲者何待於臣若明知事屬難爲而在所當爲臣更或敢推諉或敢因循捫心自問何殊悖負懇請

聖鑒但責臣成效寬以時日臣務當竭盡血誠以完竣斯舉也除勅撫丹江緣由另摺陳明外合行覆

奏 臣 謹

奏

覽奏知道了

同日又

奏爲設法彌補無著之虧空以清積案以實庫帑事  
竊惟倉庫錢糧最關緊要 臣自到任後將所屬虧  
空各案嚴飭承追督催各官竭力催追雖亦少有  
還補終難如數全完若不設法補苴終致

國帑虛懸但其終有有著者有無著者自當分別追補以期濟公臣查雲南通省新舊虧空共十五案內除署永昌府事叅革同知梁衍祚臨安府叅革知府王儻雲南府叅革知府韓鍾廣通縣叅革知縣劉淑元謀縣叅革知縣徐鳴鸞署武定府事開化府叅革知府佟世祐元江府叅革知府張嘉穎以上七案或有家產可以變補或有借欠可以追償臣已分別勒限嚴追其有應行咨追者亦經分



咨旗籍照數完追又順寧府叅革知府范溥名下  
虧空銀錢銅鉛等項已經

題請著落前任督臣高其倬署撫臣楊名時原任按  
察使江芑各名下分賠其餘現在查追不致無著  
外尚有鎮南州叅革監故知州陸應幾南安州叅  
革知州王志正新平縣叅革監故知縣蹇王臣宜  
良縣叅革知縣申稼呈貢縣叅革監故知縣饒啟  
心昆陽州叅革監故知州何大寵馬龍州叅革監

故知州許日藻以上七案虧空共計未完條丁鹽課等銀九千二百五兩二錢零未完米一萬六千六百一十六石零折算該價銀一萬一千六百三十一兩零未完穀一萬六千五百一十五石零折算該價銀五千七百八十兩四錢零通共該銀二萬六千六百一十七兩五錢零屢次移咨各原籍查追據稱並無產業可變任所本身家屬又已衣食不克雖監禁嚴比毫無設措不過徒稽歲月究

於錢糧無補臣籌之再四必須早爲設法彌補庶不致倉庫有虧查滇省欺隱田土內如從前漏報勲莊叛產等項不自行首報別案發覺審出應令納價准爲已業又滇省各官蒙

皇上洪恩賞給養廉已優裕足用如有現任官委署他任者其署任內養廉不應全給現擬扣留一半以上二項俱有騰那即以此二項代補遠年無著虧空陸續完報約計兩年便可全數通完如是則積

案清楚帑項亦不致虛懸矣緣係設法填抵虧空  
未敢具本題請理合繕摺陳明伏乞

聖主批示遵行臣謹

奏

有旨諭部盡著寬免矣如此卿可少省心力

同日又

奏爲查出官莊實餘租息歸公裕賦事竊照滇省文  
武衙門大半向有官莊收租取息匿不報聞臣通

行各員據實開報先據儲糧道元江等府安寧等  
州縣報到官莊田地并查出臣標五營向有開墾  
老丁田地及丈出新淤自報田地又東川府查出  
已故祿氏養贍並文武官莊經臣摺

奏聲明武定等十府州縣俱有官莊另報在案除東  
川府之養贍官莊業同該府丈出田地彙疏

題報外今據武定姚安馬龍羅平姚州鎮南定遠定  
邊等八府州縣并永昌道臨安府高明石屏二州

祿豐楚雄廣通等縣陸續報有官莊田地并查出  
撫標左右兩營亦有新墾官莊連前所報田地合  
算計共十一萬四千六百二十九畝零該年收京  
斗米穀麥蕎豆二萬四千二百一十五石七斗零  
銀二千四百六十七兩七分零除完納條丁秋糧  
公費并留給義學束修老丁孤寡口糧外實餘京  
斗米穀麥蕎豆一萬二千九百二十九石四斗零  
銀一千九百六十八兩六錢零俱應歸公現飭藩

司分析造具清冊詳

題彙入奏銷冊內報銷內臣標陸涼州馬場臣於雍正四年到任後清查本年分已收獲租息銀一千兩至雍正五年分徹底查清年該豆麥變價銀一千六百四十八兩零除完魚課條糧外實餘銀一千四百三十兩業經全數歸公今六年以後應俱照五年收交其各屬官莊租息俱於雍正六年爲始入冊歸公至此此外或仍有零星未報及已報而

未及造冊者現催清查造冊另報再雍正五年十月內臣查報官莊摺內荷蒙

硃批向聞滇省鎮臣甚苦毫無出息此等營中官莊地畝應賜與營標爲養廉者卿當斟酌之欽此臣查滇省提鎮諸臣元年以前原俱豐裕皆因多食空糧收受規禮之故自元年以後漸次減少臣到任之初密查各鎮親丁糧猶有加倍公費糧猶有一百二三十分不等經臣嚴檄通飭并懇切開導二年



以來始無此陋弊計提臣一年所入不及四千兩  
各鎮一年所入不過二千餘兩此外原別無出息  
而貴州安籠鎮臣蔡成貴向來即無染指清窘尤  
甚是以臣於各鎮諸臣凡有調遣及各有事故自  
二三百兩以至千兩皆酌行資助在此等官莊地  
畝屬營中者合計不及數百石穀米即全數留給  
亦無關錢糧但上有私匿下必多影射於清查隱  
占一事不無干礙故不若全數歸公使民間不得

藉口仰荷

聖慈垂念邊鎮之苦據臣愚見或於報明公件餘剩歸  
公銀一萬三千兩內每年各

賜與數百兩添作養廉則感切之餘自必愈知奮惕是  
否可行臣未敢擅便合併陳明伏乞

聖主睿鑒臣謹

奏

另有旨諭內閣頒發

同日又

奏爲奏明借動庫項收鉛運售獲息情由仰祈

睿鑒事竊照滇省自雍正元年起設爐四十七座鼓鑄  
制錢需用倭鉛因本地所產無幾購買艱難故於  
黔省之丁頭山馬鬃嶺齊家灣等處開採鉛廠委  
蒙化府同知前任晉寧州知州朱源淳前往採買  
運滇供鑄其廠鉛每百觔黔省例抽課二十觔滇  
省買價每課鉛百觔丁頭山議定銀一兩六錢齊

家灣議定銀一兩五錢馬鬃嶺議定銀一兩四錢  
照數解黔

奏報由來已久迨雍正五年分經臣

題請減爐九座止存三十六爐用鉛既少又值滇之  
羅平州屬卑浙塊澤二廠出鉛頗旺運局搭鑄儘  
可敷用遂將黔廠之鉛停運第馬鬃嶺等廠俱在  
僻壤山路崎嶇難以通商而開採小民又半係赤  
貧苦無工本不能久貯每鉛百觔廠價已減至八

九錢一兩不等若不設法收買勢必星散以有效之厥而坐視廢棄實屬可惜是以暫於司庫借動鹽餘銀兩作工本脚價仍委朱源淳收買除課鉛照原定之價解黔報銷外餘鉛按時價收買統運漢口賣給京商所獲餘息儘數歸公自雍正五年二月起至九月止共發過銀二萬兩收獲鉛二百萬零今已運過鉛二十萬約計工本脚價盤費每百觔共銀三兩五錢而漢口之價則係四兩五錢

每百觔實獲息銀一兩尚存鉛一百八十餘萬現  
在陸續分路輓運通商照前合算除歸還本脚之  
外約共可獲息銀二萬餘兩此後即以息銀動用  
隨廠內出鉛多寡儘收儘運無庸再發工本其所  
獲息銀俱於歲底

奏報克公至滇省鼓鑄倭鉛每百觔節省銀一兩不  
在此數內前已

題明仍留爲運錢脚價之用另於鼓鑄案內報銷再

查齊家灣一廠硃老山空無人開採而畢節地方  
新出雞廠可以抵補臣現咨商貴州署撫臣沈廷  
正會

題所有雞廠鉛課仍歸黔省報銷餘鉛統令滇員買  
運餘息歸公庶辦理得以畫一而於錢糧亦不無  
小補矣所有借動庫項收鉛辦息原委理合備細  
奏明伏乞

聖主睿鑒臣謹

奏

好諭部鈔錄存案矣

雍正六年十一月初十日雲貴總督臣鄂爾泰謹  
奏爲恭謝

聖恩事雍正六年十一月初五日臣齎摺家奴蒙  
恩賞給驛馬齎回

欽賜臣

御服天青寧絀羔羊皮褂一件醬色寧絀羔羊皮袍一



件哈密瓜一圓藕粉八包抵滇臣隨郊迎至署恭設香案望

闕叩頭謝

恩祇領訖伏念臣盡心竭力情知矢效涓埃而報

國酬

恩實難自安衾影顧幽獨而增慚對

帝天而滋懼覺感頌之詞更不能著一語而回首

殿廷不禁心依而神馳也爲此繕摺恭謝

聖恩伏乞

聖主睿鑒臣謹

奏

覽卿奏謝矣

同日又

奏爲欽奉

聖諭事雍正六年十一月初一日辰刻准兵部火牌齎

到

內廷發出黃包匣一件內奉

硃諭三道錄示

敕諭一道并石禮哈條奏一摺戶部主事楊秉乾條奏

一摺

硃批石禮哈奏摺二扣

硃諭高其倬石禮哈各一道又陳世倌叅石禮哈鈔摺

一扣臣敬誦

批諭仰見我

皇上慎重邊防軫惜苗命務籌萬全或恐生事之至意  
正擬密札張廣泗囑令遵照相機料理同日午刻  
適張廣泗差弁來滇敬錄

敕諭并鈔怡親王大學士等公字密示到臣臣隨即日  
詳細札覆去訖至本月初五日臣齎摺家奴回滇  
前事摺內荷蒙

硃批前因各處奏到已遣廷臣密往張廣泗行營將朕  
初意一併備悉諭卿知之矣卿等酌量相機合宜爲

之欽此又另摺內荷蒙

硃批古州八萬之舉張廣泗既見不透則此事少急驟  
矣再有如此等應整理者當緩一步徐爲之雲貴兵  
弁甚覺勞苦朕心實爲不忍亦即有旨加恩伊等著  
候旨行欽此臣伏讀之下不勝感切倍深省惕竊照  
張廣泗已平八寨擬赴丹江并湖南派撥預備官  
兵應調應停緣由臣已於十月二十日具摺奏

聞茲

欽差翰林牧可登春山二臣現在軍前同張廣泗詳勘  
八寨畢業前進凱里相度形勢酌量勦撫仰賴  
聖主仁威或易於就緒自應速圖倘進取實難不過勉  
強從事即當宣布

上諭徐徐撤兵斷不敢回護前議以致紛擾至前石禮  
哈等摺奏臣細看所議皆止就黎平之八萬古州  
而言猶多未確查都勻黎平二府連界而由都勻  
不能直達黎平者正以丹江一帶生苗橫截道路

並非古州苗界有以隔之也清水江諸水下通楚  
之黔陽縣直入大河上通平越屬之重安江並可  
至黃絲驛而舟楫不通貨財不廣者則以九股一  
帶生苗動劫商旅亦並非古州苗衆有以阻之也  
從來富庶之地半少頑民爲其身之可愛而欲重  
保其貲也今既稱古州富庶更多土產而以燒殺  
搶擄等事全以歸之恐事不盡然是以臣於昨歲  
委張廣泗親至古州業經招撫而並未科糧編戶

若不欲取者誠欲開通丹江次及九股先沿江設  
汛俾河路通行然後合八萬古州改鎮添兵以籌  
長久此黔省百世之利大局所關其苗地些微糧  
賦並不足以較多寡論有無者也統俟張廣泗等  
如何料理是否可成臣再詳細商酌籌議善後事  
宜請

旨遵行抑臣更有陳者苗疆賊藪兵事時有凡有舉動  
務當示以鎮靜斯可以安民心而一衆志方張廣



泗初進丹江界見苗賊強多恐衆寡不敵或致失  
事遂暫退衙門寨以待添兵時省內訛傳張廣泗  
乘夜逃遁狼狽不堪行李搶奪一空漢土兵丁傷  
亡數十人臣聞信立即差探又接楊天縱札并有  
苗賊强悍勝似官兵而官兵鎗械亦不如苗賊堅  
利等語臣覆云若果如此則平日所操練者何人  
所整備者何器是則提軍之責矣續據沈廷正來  
札云密差確探並無此事對敵時傷數人是實餘

俱係謊言臣復經訪問而羣議始息如會勦粵獯  
之役所調安籠官兵不過數百人而司道等官俱  
倉忙失措議請撥兵五百名移駐安籠又請撥兵  
五百名駐防黃草壩派府派廳僕僕道路見臣以  
爲不可初頗不以爲然及不日八達已平官軍回  
汛始復帖然無詞凡此擬議雖皆屬慎重急公之  
意而上官過於驚慌小民未免惶惑邊荒苗獠之  
地尤不可不審處者也相應備陳臣謹繕摺奏

聞統乞

聖主睿鑒

訓示施行臣謹

奏

有旨諭張廣泗矣

同日又

奏爲奏

聞事案照叅將新授雲南元江協副將哈元生帶兵前

往阿驢交界阿路嗎地方堵擒川省賊蠻後奉四  
川提臣黃廷桂行令撤回於雍正六年九月二十  
二日行至阿驢裸古地方忽有阿驢部落糾衆數  
千攔阻打仗殺傷弁兵搶奪糧米哈元生設伏夾  
攻賊蠻始行敗走臣據申報飛行鶴麗鎮總兵張  
耀祖就近調撥官兵星往應援并令該鎮親自過  
江調度會勦並咨川省提臣發兵堵擒一面調撥  
土兵著令在臣標效力之祿鼎坤管領前往協力

擒勦并查起事緣由去後臣隨於十月二十日具摺

奏明茲據鶴麗鎮總兵官張耀祖東蒙鎮總兵官劉起元及軍前各員陸續呈報並准四川提臣黃廷桂咨會前來該臣查得阿驢地方遠在金沙江外界連川省沙罵等處雖向屬烏蒙所轄久已不服管束素稱野夷前哈元生領兵進勦米貼迨至江外阿驢土官方就撫歸誠後哈元生奉調復帶兵

赴江外阿路嗎地方駐劄堵擒雷波賊蠻阿驢土  
官曾送牛羊炒麵以爲犒軍并幫夷夫搵送軍裝  
原極恭敬哈元生亦經賞以銀兩緞疋花紅等物  
各皆領謝而去並無動靜祇緣哈元生將阿驢土  
官帶於行營聽用其母疑有傷害之意而頭目等  
遂言他將土官土目都擒殺完了那裏饒得你我  
好也做一出不好也做一出隨令部落夷蠻勾連  
親戚藉稱報讐乘哈元生回兵之日糾衆數千重

重圍住行兇截殺哈元生當賊衆圍困時奮勇奪  
占山梁率同官兵攻擊二晝一夜始將賊人殺退  
即相度形勢擇地於赤衣臺下營旋又攻打賊寨  
搜獲蕎糧數百石得以接濟復於十月十四十九  
等日分兵搜勦逆獍與官兵對敵被官兵斬首多  
人仆巖投江死者不計其數活擒二賊又分路跟  
追阿驢夷寨已騰空逃遁查訊逆黨去處俱逃往  
阿都阿不囉地方躲避附近阿驢之拉金者呢阿

都並沙罵所屬夷目拖科拖却等皆係阿驢姻親  
會幫兵助惡而拖科係阿驢妻父拖却係阿驢姨  
夫尤出死力今新陞肅州鎮總兵王剛奉川提臣  
調遣已帶漢土官兵一千四百名於十月初八日  
先到赤衣臺原調駐劄以密哥地方堵禦之遊擊  
康世顯帶所領官兵沿江而下守備馬似龍帶兵  
渡江而上總兵張耀祖因溜筒江險遠在黃平寨  
大井壩打造大小船隻率本標兵威寧營兵俱於



十月十八日渡江赴赤衣臺會合其餘調撥滇黔漢土官兵皆計日可到張耀祖等聞阿都夷目之嗣係接養沙罵土司之子爲嗣且係世代姻親阿都夷目倚新撫沙罵土司之勢故敢容留逆黨已商同王剛勒令沙罵土司速赴阿都令伊子沮姑獻出逆黨免其剿戮否則立即進兵擒拏以彰

國法十一月初九日又准川提臣黃廷桂咨商助惡現有川蠻應否分地各勦等語臣已札檄張耀祖

謂造意不自阿驢毋得濫行屠戮但殲其渠魁應  
撫其餘黨并就近與川提臣妥酌去訖竊查野夷  
不法傷害官兵固應會兵合剿以示懲創但念此  
事阿驢土官既並無反復亦何必拘留行營即便  
留營聽用亦應先行曉諭以安夷心續既糾衆圍  
截意不過爲土官又何難將阿驢立放即令阿驢  
明白開示以散羣夷況哈元生原帶官兵二千一  
十四員名內除分遣安臺并患時氣染瘴者約數

百人彼衆我寡尤當防備更須權宜乃哈元生奉  
檄回兵並不慎重以致陣亡千把四員兵丁四十  
餘名雖據稱總因卑職進勦烏蒙米貼殺賊過多  
故賊蠻痛恨特來報復等語而自恃勇敢氣高志  
滿遂致僨事悞師實哈元生有以啟之釁也臣於  
兩省將裨凡有寸功皆不敢掩沒凡有大過亦何  
敢姑息自應據實

題參請

旨革職嚴加處分以爲輕肆者戒至於哈元生肝膽勇  
畧實屬將材前進取烏蒙勦滅米貼皆係首功現  
奉

俞旨造冊議敘合無將功贖罪從寬留任以勵後效此  
出自

皇上格外隆施非臣所敢擅請者也除俟事竣一併具  
題外所有賊蠻起事緣由並現在勦撫情形合再奏  
聞伏乞

聖主睿鑒臣謹

奏

朕前已有諭旨料卿必叅奏者以哈元生之任事豈忍  
將此等事治罪也況朕已用伊安籠總兵矣題到之日  
朕或令將功贖罪或寬免處分再斟酌有旨

雍正六年十二月初八日雲貴總督臣鄂爾泰謹  
奏恭請

皇上聖安

朕躬更甚安好卿好麼立春日祭

祈穀壇回卿奏適至誠所謂新春同喜也

同日又

奏爲恭逢

聖誕慶觀祥雲事雍正六年十月二十九日恭逢

萬壽令節臣率在省文武官員人等在五華山朝

賀畢坐班至辰刻共觀五色卿雲光燦捧日經辰已

午三時至十一月朔絢爛倍常凡呈現兩日臣尚

以爲省城所見其他郡邑未必同然隨經行查去  
後適據楚姚鎮總兵官張應宗呈報恭逢

皇上萬壽本職率同在城文武大小官員以及合郡紳  
耆兵民人等朝

賀坐班仰見

上天垂象卿雲滿布祥光五色擁護日邊從辰至午燦爛  
非常初一日午時煥麗更勝文武兵民咸稱歷來  
未覩齊祝

萬壽無疆所關

盛朝祥瑞理合具文呈報又據雲南布政使張允隨詳稱查據楚雄府楚雄縣廣通縣姚安府姚州大姚縣定邊縣等處先後呈報恭逢

皇上萬壽聖節喜見卿雲五彩擁護日邊經辰巳午三時於十一月初一日午時又復光華照耀衆目齊觀不勝歡忭此從古未有之殊觀曠代罕聞之盛事幸生



聖世得覩奇祥伏乞轉詳各等情到司伏查省城乃全滇之會楚姚爲兩迤之中忻逢五色祥雲正當

萬壽令節此誠嘉徵上瑞罕見稀聞理合具詳祈請轉奏等情到臣臣謹按黃帝有景雲之應虞舜有卿雲

之歌瑞應圖曰慶雲者太平之應孝經援神契曰天子孝則慶雲見春秋感精符曰南至有雲迎日年豐之象再考雲南通志漢武元狩元年有五色雲見於白崖遣使跡之至大理屬之雲南縣雲南

由是得名其後歷晉唐宋元史不再書至明洪武  
嘉靖間五色雲見於永昌其餘或一二見半屬彩  
霞亦不移時而散惟我

聖祖仁皇帝二十一年五月彩雲見於雲南縣十月五色  
雲復見於楚雄府是年雲南悉平歷數從前要皆  
太平寧謐時和年豐之兆至於恭逢

聖誕呈現三時歷現二日稽諸簡冊從未有如

今日者也欽惟我

皇上大孝格

天與穹蒼而協撰至明如日並雲漢以昭回先天後天合  
德而自呈符驗陽月良月應時而迭著庥徵覩盛  
事於五華鶴鷺貌貅宛在蓬萊之島紀嘉辰於六  
詔山川城郭畢收圖畫之中兒童引領以稱奇父  
老駢肩而誌喜屢豐預卜願大有遍一十五州衆  
口同聲祝吾

皇臻萬八千歲臣無任懼忭無任感激業經恭疏

題報在案續又據順寧府知府傅達具報十月二十九十一月初一兩日五色雲見所報與各處相同是合計雲南同日現瑞者共四府三縣稽諸簡冊尤屬從來所未有也臣於冬至後曾親出郊外巡視村莊見百姓家門外各有稻穀堆場婦子顏色甚舒而天氣晴明景象和藹田中豆麥已青翠盈尺據農民口稱明歲春熟可保十成且自半月以來軍前勾當皆陸續報捷而投誠者亦衆是五

此實在祥瑞也

此真祥瑞也

色雲瑞兆驗非虛矣敬念我

皇上慎籌邊計勤念民依一誠相通無遠弗届用敢瑣  
屑繕敘一併奏

聞伏乞

聖主睿鑒臣謹

奏

朕每遇此祥瑞蒙

上天慈恩豈有不感喜之理然實絲毫不敢慶幸惟倍加

敬畏之心況此嘉祥實係卿忠誠所感而獻於朕壽日者正表卿愛戴之心也

天理二字朕實見得透信得及

上天以卿如此不世出之良臣賜朕此朕之真祥瑞也歲前冬初聞卿每患脇痛少覺氣弱朕思此皆憂思之所致朕至不忍有諭慰問蓋以諗語云心病還須心藥醫若邀

上天慈恩

聖祖賜佑各處軍役就緒時我鄂爾泰自然全愈非目下  
空言慰問所能解者所以忍而未頒諭問今

天

祖慈佑三處俱陸續報捷又覩此罕遇之嘉瑞想卿必然  
心怡神暢諸微疾得全愈矣目下卿體如何去冬不爽  
時如何光景可據實奏朕莫隱凡人能一念專誠聚精  
會神勤勞二字實不妨然憂心焦思則萬萬不可且亦  
於事無濟當切戒之況世情冷暖人事參差明天理達

人情者有幾只可盡一己之心以對越

上天則修齊治平之道俱備於中矣其他入海算沙之類  
又何足與較凡事當酌量精神體察能否不可任力不  
能勝之事不可費思所不及之心夜眠若稍覺不靜日  
食若稍有不美則當慎節而不可勉強從事也可必遵  
朕諭行

同日又

奏爲恭謝



聖恩並陳愚悃事雍正六年十二月初二日准兵部咨  
奉

旨廣西地方離廣東總督駐劄處較遠與滇黔兩省相  
近著鄂爾泰總督雲貴廣西三省一應軍民事務俱  
照總督之例管轄欽此欽遵到臣臣即恭設香案望  
闕叩頭謝

恩訖伏念臣叨荷

殊恩無可言說竭蹶奮勵惟當終身以之竊思廣西重

地獯獯環居而吏治因循營伍廢弛實由來已久  
在地方情形原與雲貴少別則措置緩急亦應與  
雲貴有異若狃於姑息固足以養姦倘過於嚴切

又或致債事臣務當凜體

卿自有次第料理措置之道實不煩朕南顧之懷也但  
聖訓一切從緩料理與粵西撫提二臣和衷同商心存  
念卿心神之過勞不免惓惓而不忍耳然念及  
整頓事出安詳必先肅清吏治精練營伍俾恩有

天  
道  
想

上  
蒼

可懷威有可畏然後申明法紀剪除兇頑庶一二  
年內或可漸次就緒至於振作調劑固須立法尤

聖祖

自然鑒佑必賜助益精力心神安泰也。臣之居心行

重得人在廣西官吏自無不可用但臣之居心行  
此意見實與朕諭田文鏡之旨暗合朕原欲諭卿者  
事及如何料理之處粵員未即深知若一有揣摩

觀望更於事無濟相應懇請

元展成光景是一大人物人人言

聖鑒將雲南按察使元展成調補廣西將廣西按察使

好二人互調甚合朕意已有旨矣路途遙遠且不必令

常安調補雲南在元展成臣可以得指臂之用在

來引見著赴新任料理一二年再著來見朕

常安臣亦可為引導之資一轉移間似兩有裨益

其元展成所管錢局銅廠亦屬緊要但新任糧道

亦有旨矣三省官員卿可酌量人地相宜者只管一面

黃士傑心地才具皆可以接辦臣等更就近指示

調用署理一面請旨

自不至貽誤此外府州縣以及將裨等官仍須調

甚是甚

是如費金吾唐綏祖之調東省即此意也我君臣實可

補數員以備委任容臣詳慎酌擬陸續請

謂知心者何慶如之

旨如蒙

俞允將元展成調補懇祈

敕部令元展成赴京引

著他奏摺來人令到怡親王處轉奏朕隨事批諭訓勉

見俾得親聆

之料伊必能領會也

聖訓再赴粵任庶元展成更有長進而感激奮惕愈知

所以自立矣再貴州苗疆事宜臣擬親往辦理是

以前經

奏明茲因新陞貴州撫臣張廣泗尚未接任雲南撫  
應如是原因卿有俟張廣泗回任親到黔省會商之奏

臣沈廷正奉

所以降有前諭觀目下情形金鉞實不便歲前來黔  
旨暫署黔撫事臣現兼管滇撫印務猶未敢擅離且廣  
亦不便離滇也卿當相機爲之再雲南路遠諸如此類  
西撫臣金鉞現亦署理提督事務料歲內未便能  
或朕有諭或卿有奏其中有時勢更易之處不可拘執  
赴黔臣已咨會廣西撫臣金鉞俟其酌定起行日  
已奉旨已奏請之見如哈元生等之復往會勦此即因  
期移覆至日臣即先期前赴貴陽辦理黔事再將  
路遠朕未聞已撤兵之調遣也及至已聞復發後諭而  
粵省一應事宜與金鉞面商妥議次第料理庶兩

張耀

祖哈元生卿又令其起行矣以致復有此一事無歧悞至滇黔漢土兵丁年來屢次出師奮勇效

君臣

當深以為戒者力殊多勤勞臣以德薄才疎不能化導致頻煩軍

旅動至摧殘每聞報官兵傷故苗民屠戮事捫心

自問且慚且懼茲奉

何何

旨著動正項銀十萬兩交與臣酌量分別賞給其征勦

八達寨之官弁兵丁中有陣亡受傷者已令加恩優

卹仍照例給與卹典賞賚

殊恩曠典實亘古未有臣傳集將弁兵目宣布

皇仁在事者涕零與聞者泣下臣現在檄行雲貴各標

鎮協營將節次出征之漢土官兵確查造冊內有

軍前病故三役官兵皆著以陣亡例賞

臨陣傷亡及染瘴病故者逐一註明俟冊報到日

卹已有旨矣

分別賞給其征勦八達寨陣亡受傷之官弁兵丁

另行造冊送部所有此案統兵失利調度失宜之

提鎮等官功罪輕重自應分別定議但廣西提督

田駿已於十月十八日在署病故右江鎮總兵官

段宗岳前在軍前染瘴亦於十月十四日在署病

故似應邀

應如是者其中儘有可恕之情然兵丁將弁不可如滇  
恩均予免議合先聲明除恭疏奏謝  
點一例加恩也  
天恩外謹此繕摺恭謝

聖恩並陳愚悃伏乞

聖主睿鑒

批示施行臣謹

奏

覽



同日又

奏爲分兵進剿阿驢等處逆蠻情形事竊照阿驢部落乘叅將哈元生從川省地方撤兵而回糾衆攔截打仗殺傷弁兵臣聞報調撥漢土官兵堵擒協剿賊寨騰空逃往阿都阿不囉地方躲避附近阿驢之拉金者呢等皆曾幫兵助惡并哈元生擅帶阿驢土官隨營行走以致生疑啟釁各緣由俱經具摺奏

聞據鶴麗鎮總兵官張耀祖呈稱本職於十月二十四日抵雜羅古地方會同肅州鎮商得阿驢逆蠻雖已逃遁無非潛匿川滇接連地界內除首惡者呢已誘擒外其餘如在滇省者本職派遣官兵搜勦入川者移會川提發兵撲滅庶三省官兵得免耽延時日已咨會川提准川提臣黃廷桂咨覆川省分兵五路進攻阿不囉本職即於十一月初七日遣叅將哈元生帶領官兵由中路進勦者呢遣威

寧營叅將楊馥帶領官兵由左路進勦以呢遣貴  
州提標遊擊卜萬年帶領官兵進勦拉金兼於溜  
索河補凹一帶堵截通阿都路徑派大定協遊擊  
張世傑帶領官兵於三路策應本職統領官兵駐  
劄務都特適中之地調遣至沿江南岸與阿不囉  
等處所通地方移咨東蒙鎮派兵遊巡堵截又調  
東川營叅將祝希堯帶兵於巧家一帶駐劄堵截  
等情又准四川提臣黃廷桂咨稱本提督酌量程

途遠近令遊擊張朝良帶官兵隨肅州鎮於十一月初十日由拖科勦入至阿不囉會攻令副將張瑛帶官兵由覺覺過河進勦至拖覺底會合直搗阿不囉令遊擊馬光等領官兵由徂姑勦入至易磨會合令遊擊許連科帶官兵由勻勻殺入阿不囉令遊擊王勇帶官兵由木托進攻本提督同建昌鎮率兵由徂姑中路前進四面督催接應十一月二十五三十等日又據張耀祖咨呈據叅將楊

馥報稱遵領官兵抵以呢路巫地方連攻三寨與  
賊對敵官兵奮勇追殺賊蠻數十活擒男婦十五  
名口逆賊以呢並無蹤影本職又差守備馬似龍  
領兵於簸羅箐搜勦據稱有阿驢逆蠻前來抵敵  
官兵奮勇殺死賊人三十餘名活擒九名呈解到  
營嚴訊各賊并令阿驢者呢識認俱係幫殺官兵  
之賊即於是日斬示據叅將哈元生報稱遣守備  
王廷標帶官兵跟追逆賊卑職隨後策應追至特

衣庫堽夷逆聚集堽上拒敵官兵攻取賊放插石  
打死兵丁一名土兵一名帶傷把總一員胡亮帶  
傷兵四名餘俱奮勇直上始奪第一層堽口殺傷  
賊衆仆巖滾箐不計外生擒賊蠻三名男女二十  
四名口所獲賊蠻訊明係殺害官兵之犯即斬首  
示衆據遊擊顏文選報稱帶兵搜查溜索河一帶  
於山箐深處見有裸賊逃匿上前擒拏賊等敢放  
箭石兵丁齊上擒獲裸賊一名婦女四口又據叅

將楊馥報稱分遣官兵至脚曲箐內搜勦活擒賊蠻男婦二十五名口又鎗傷一名滾岩二名所獲賊蠻俱禁守行營又准四川提臣黃廷桂咨開准肅州鎮咨稱密派所帶官兵分勦據守備賈成林帶兵前赴易磨賊蠻逃遁於箐內密搜遇賊百十餘人被官兵斬殺四十三名擒獲蠻婦二十六口遊擊張朝良帶兵前抵易磨結業賊窠賊等俱逃跟蹤追殺至卑奚山箐見夷獠躲藏在內恃險抗

拒被官兵攻擊殺賊六七十人獲男婦三十一名  
口本鎮暫居易磨分躡逆夷潛伏巢穴據守備賈  
成林由別哺加樂蠻寨右山直上見有蠻人數百  
即督兵撲殺斬首五十餘級飛岩者大半餘奔下  
山撲入河內生擒蠻婦小子五名口本鎮自易磨  
起營師次山頂箐邊躡有蹤跡隨督遣弁兵環堵  
箐林搜殺賊三十七名生擒蠻婦四十四口遊擊  
張朝良帶兵至阿佈切樂見賊百十餘人令兵圍



殺夷蠻抗拒被官兵斬殺五十八人鎗打死三十  
五人據副將張瑛帶兵抵羅喜朶喇圭賊窠分兵  
窮搜殺死四十餘名遊擊王安民將賊厄潛伏之  
夷搜殺三十餘名至拖覺同王安民沿途搜剿於  
各箐搜殺賊蠻百十餘人又遣官兵分勦拖覺底  
各寨十二處搜殺阿都頭目咱乃揖飛一名賊蠻  
一百有餘捉獲男婦一百二十八名據遊擊馬光  
等領兵進至加普異角蠻人逃遁連夜追至易磨

蠻賊亦皆逃空分兵搜捕計殺猓蠻十二人生擒  
二名訊知猓賊聚潛拖覺一帶連夜進攻一夜連  
破猓蠻一十三寨又至拖覺溝破猓蠻九寨共殺  
賊二百餘人活擒男婦一百三十名口遊擊沈國  
卿亦於是夜分遣官兵一齊進攻突出猓賊百十  
多人我兵併力攻擊截殺四十餘賊活捉男婦四  
十七名口又搜至緝葛易裏磨箐內捉獲猓蠻二  
名偵知前箐聚賊分兵殺入惡蠻蜂擁拒敵自辰

至酉斬殺二級傷死約一百多人直殺至阿波囉  
囉務地方猓賊潰散又據張耀祖報稱千總林發  
正等前往拉金地方搜擒殺死逆賊一名又進施  
落大箐有賊蠻拒敵官兵殺死逆賊三十餘名擒  
獲男婦十九名口據遊擊顏文選等搜至得泥箐  
見有猓賊二百餘人手持弩弓拒敵官兵鎗礮打  
死七十餘人生擒夷賊一名扭租審係阿驢部落  
各等情到臣該臣查得阿驢部落糾約川蠻擅敢

截殺官兵本應盡行勦滅祇緣事有由起非苗蠻積謀倡亂臣是以咨會川提臣黃廷桂照會總兵張耀祖等切囑但擒首惡應招其附從詎意三省官兵齊集提鎮俱已親臨而烏徠川蠻毫無畏懼仍敢四出拒敵是兇頑橫肆非僅有以激成隨據川省分兵五路滇黔分兵三路各於境界內密布勦擒現在首惡者呢已經擒獲適據探報拉金兄弟二人并家口亦俱就擒而各處賊蠻被官兵斬

殺捕獲者甚衆今始有望撫之意是止有首惡拉  
金拖科等尚竄匿川界而川提臣黃廷桂等勒令  
搜擒不遺餘力諒無所逃遁臣據張耀祖等札稟  
似可不日竣事除俟獲到首惡商定善後事宜撤  
師回汛另行

奏報外合將分地進勦情形再行奏  
聞伏乞

聖主睿鑒臣謹

奏

此一番事乃朕調遣錯失之所致然看此惡逆兇悍情  
形若不復加懲治恐將來亦未能保其無事此乃

上天默示潛消之恩轉禍爲福之舉也朕不勝欣悅之至  
在事官兵甚屬可嘉事畢自有恩旨

同日又

奏爲報明克取江壩情形事竊照檄攬逆夷蠢動經  
臣檄調官兵進勦并札致提臣郝玉麟親往調度

節次具摺

奏明續據臨元鎮總兵官孫宏本咨呈內稱自到猛  
養遵照札囑慎重料理今各處官兵俱到行營訂  
期於十一月十三日寅時三路一齊進勦密令遊  
擊施善元帶領官兵攻整板慢腮小猛崙直抵檄  
攬壩令守備朱琦帶兵由整板前進叅將邱名揚  
遣守備李定海帶官兵自攸樂起程由原躡山箐  
遶出慢顙守備裴宏道由大路直攻慢顙約定大

破一響然後首尾夾攻此路攻破均趨赴整哈除  
搗賊巢穴另遣遊擊郭佑民帶官兵自猛養由九  
龍江奪取大渡口遣遊擊馬成林帶官兵攻取小  
渡口因九龍江大小兩渡之間有一沙洲林木叢  
雜內有賊人房屋恐逆夷暗由沙洲岔河抄出以  
襲我兵之後遣守備鄧士彥帶官兵直抵岔河以  
遏賊人來路又檄攬壩沿山沿箐有崎嶇鳥道可  
通猛養恐賊暗來偷襲遣把總湯德新帶鎗手兵



丁前往通達猛養攸樂總路埋伏又遣遊擊徐成  
正帶領官兵由小路過渡先遶至九龍江直搗賊  
巢本職帶兵駐劄猛養調度等情隨據遊擊施善  
元報稱卑職遵帶官兵於十一月十一日直抵猛  
崙午刻到上江渡口有賊人二三百潛匿樹林吹  
起牛角齊來拒敵卑職令兵丁齊放鎗礮打傷賊  
五六十人又令官兵往下江渡口齊發鎗礮打傷  
賊三四十人看賊衆散亂乘勢一齊過水隨奪得

下江渡口而守備朱琦亦於十二日奪取整板渡口鎗礮打傷賊數十人十三日率兵渡河等情又據施善元稟稱十三日進攻猛崙蠻允蠻蚌等寨賊人俱已逃遁直至慢整邊有賊五六十立柵阻我官兵隨即追趕打傷六人賊自放火燒寨逃散卑職直進猛崙賊人聞風逃竄十四日前進猛寬賊人亦皆逃散十五日抵椒欖壩賊巢有一千餘賊潛匿寨柵齊出拒敵卑職令守備保瑄等帶領

官兵分中左右三路殺出卑職督令官兵齊心努力自辰對敵至未打傷賊人無數割首級七顆是晚更盡守備朱琦攻破整板河口帶兵督糧到營十六十七兩日遊擊黃忠耀等俱領兵來到十八日分三路進攻賊巢杳無人跡令兵各路搜查拏獲夷人七名橄欖壩地方俱已克取等情又據遊擊徐成正稟稱抄渡九龍江之上流喇卡江出猛海深入賊巢沿途坐卡七處每處有賊數十人及

百人不等卑職督兵奮勇擒賊四起共擒賊十七名過卡出箐而一出箐口復遇賊衆交鋒我兵嚴整飛衝大渡口大施礮火打死賊一名打傷三名又擒獲兇賊一名登時梟首其餘獲賊七名解交提督行營九龍江已克等情茲准提臣郝玉麟咨稱十一月十六日已抵攸樂據遊擊施善元等稟報逆賊俱有望撫之心惟是畏懼不前拏獲擺夷數人並江西客人一名皆云若提督到來我們俱

出投見本提督若不親往招安見機行事恐夷衆  
又被狡賊煽惑今帶領本標官兵於二十日前往  
檄攬壩相機勦撫有一緬和尚投見據云情願寫  
緬文招來夷民等語本提督即賞花紅令其前去  
一面遣員赴檄攬壩江邊紮造竹筏二十一日寅  
刻親到江壩彼岸並無一賊我兵占踞江干搜獲  
牛尾礮三十四位查檄攬壩逆夷俱已勦散九龍  
江一帶又爲徐成正等克取逆賊聞風膽破魂飛

縱有一二首惡隱匿偷生料難漏網等情各到臣  
該臣查得檄攬壩逆賊不法藉稱代刀正彥報仇  
糾脅夷衆放火打仗臣遣發官兵勦撫因值炎瘴  
未消時疫流行漢土兵丁半多染病是以臣行總  
兵官孫宏本叅將邱名揚令各暫時固守勿得妄  
動俟續撥官兵到日合攻今於十一月初旬各路  
官兵雲集孫宏本隨遣分路進勦於提臣郝玉麟  
未到軍營之先而檄攬壩九龍江一帶即經克取

惟首惡緬和尚以護等尚未就擒宣慰司刀金寶  
被賊逼脅猶未見投謁除咨提臣郝玉麟剴切出  
示遍行曉諭只將首惡數人務須搜獲其被脅從  
餘黨概予招安慎毋濫行勦戮一俟平靖多留官  
兵駐劄彈壓以杜後患外所有據報克取江壩情  
形合再奏

聞伏乞

聖主睿鑒臣謹

奏

欣悅覽之觀此各役將弁之効力用命回思皆我

聖祖君父皇考六十年深仁厚澤教養之所致實不禁喜  
淚交流惟嘉獎憐憫慶幸之外無可批諭也

同日又

奏爲報明克取丹江情形事竊照貴州陞任按察使  
張廣泗帶領官兵招撫黔屬生苗八寨九股等處  
俱經就撫惟丹江一帶頑苗復勾結八寨向化之



苗抗拒官兵張廣泗先攻破八寨反復之也告等  
寨再議開通丹江以及湖南先發之兵止須駐劄  
鎮遠遙爲聲勢

欽差牧可登春山已至軍前查勘情形各緣由經臣

奏明續據張廣泗呈稱本司帶各路官兵齊集本應  
即進丹江但念苗民愚頑不悟或係化導未周是  
以敬體

皇上如天好生之仁復多遣通事前去宣諭利害彼等

全無悔心且將願投撫之烏留寨男女擄去斷難  
寬容查丹江一處居中則爲大丹江其左則爲小  
丹江其右則爲雞講而烏耶地方乃扼要之所本  
司親率安籠鎮標遊擊田昌友貴陽營遊擊史應  
貴等帶領官兵於十一月十一日前進烏耶駐劄  
又有抱得一處爲丹江要徑派令鎮遠協副將張  
禹謨等帶領官兵於十二月從烏留取抱得山至  
大丹江會合并飛檄左路駐劄之定廣協副將蘓

大有等帶領官兵亦於十二日從枯桶進攻小丹江俾兇苗四下受敵不能準備等情又據副將蘇大有稟稱卑職自八寨起營至烏高十二日分兵兩路左路由蜂塘寨直抵枯桶前面右路抄枯桶後尾其枯桶各寨頑苗俱已逃遁十三日撥土兵於要路安設三卡以待果有頑苗來寨搬取米糧坐卡土兵放弩打傷頑苗四名十四日率官兵將運糧路徑焚搜有苗四五百於山梁上放鎗吶喊

兵丁放鎗對敵大礮打死數名頑苗即拉扯背負  
逃去隨密差前往丹江探聽險要處俱築土城蓋  
有草棚拒守十五日過枯桶至石板寨山後頑苗  
拒阻官兵鎗礮攻打苗賊潰敗衆兵正在躡路下  
營有頑苗千餘蜂擁前來分兵對敵追至坡下埋  
伏帶兵佯敗頑苗尾後追趕伏兵即起鎗傷苗賊  
十餘名苗復潰敗等情又據副將張禹謨呈報奉  
令帶領官兵進取烏留抱得直抵大丹江遵於十

一月十二日駐開懷寨對山十三日令守備梅先  
春等各帶兵分左右路密進烏留夾攻其寨卑職  
率將備由中路繼進攻取卯刻俱抵烏留寨賊苗  
預將眷口搬移官兵臨寨賊苗占寨後山梁對敵  
官兵奮勇直上將賊穴燒燬賊苗退奔乘勢即攻  
抱得苗復拒敵鎗礮打傷數賊將抱得燒燬三寨  
十四日發兵搜山十五日官兵至抱得查烏留抱  
得之苗俱竄囊猛囊堯二寨如發兵遽取抱得對

山險峻賊苗阻守高嶺後即大丹江囊蕩谷獐賊  
巢恐其襲我之後是以令凱里苗兵先前往抱得  
附近招撫然後攻取囊猛囊堯後取高嶺進大丹  
江等情又據遊擊田昌友報稱遵於十一月初十  
日自凱里帶兵十一日駐劄排洛張撫院於十二  
日亦抵排洛遙見對山苗賊日則舞刀吶喊夜則  
明火守路蒙諭同遊擊史應貴於十三日帶兵分  
奪左右山梁卑職帶官兵奮勇直上已奪右首山

梁即係丹江總口令把總張明定劄此復又分兵  
搶奪前面山梁值史應貴亦到會合即駐劄丹江  
頭一關口聞後面鎗礮之聲令把總李國寵等帶  
兵應援據稱丹江頑苗爭奪山梁被把總張明定  
殺退據張明定稟稱有苗四五百爭奪山梁我兵  
對敵傷死頑苗甚多餘衆敗回對山張撫院於十  
四日亦抵丹江頭一關口令把總謝遴中等占奪  
丹江總口對面山梁據稟路過苗賊數百交陣鎗

礮傷死苗二十餘名有頭關賊苗四路猖狂奉令  
分兵堵截鎗礮傷死賊苗多人餘黨潰敗等情又  
據遊擊史應貴稟稱卑職同田遊擊隨張撫院帶  
兵由凱里右路而進搶登烏耶寨大山梁子卑職  
督令官兵於巳時搶上七處劄營是夜頑苗數百  
前來對敵鎗礮打死十數人帶傷三四十人十四  
日張撫院到梁子駐劄頑苗千餘復來對敵鎗礮  
打死十數人敗去十五日張撫院踏看頭道梁子



礮臺苗衆聚集對敵令卑職帶兵親往把守此關  
逆苗千餘前來鎗礮打死多人始行敗退十六日  
賊苗在彼山梁吶喊復來打仗卑職率領官兵施  
放鎗礮四路伏兵齊出又打死多人敗退十七八  
等日賊苗即在對關虛張吶喊張撫院因張副將  
由中路烏留所進之兵未見速進十八日親往烏  
留至抱得行營會商令卑職等且勿妄動俟張副  
將等會合進取大丹江再進兵奪取關口等情又

據蘇大有報稱十六日申時賊苗於四處吶喊卑  
職帶兵前去誘敵仍於兩肋埋伏兵丁卑職佯帶  
兵退回頑苗約有五六百四處追來伏兵齊起卑  
職復回督令官兵奮勇攻擊鎗傷頑苗十餘名賊  
苗敗走有大定協把總馬國良帶兵殺死賊苗三  
名十七日因雪雨霧重未便進兵十八日卑職等  
往附近烏疊一帶山梁察其虛實有苗賊千餘放  
鎗吶喊四山撲來卑職分兵攻擊從辰至午半敵

半誘於兩肋埋伏兵丁卑職仍作佯敗之狀苗賊  
隨後追來伏兵齊起卑職回兵施放平逆大礮打  
死苗賊數名鎗礮共傷數十名賊苗潰逃回守土  
城二十日卑職等分爲四路於五更時起發前去  
攻打丹江有苗賊千餘在頭關土城塚口內打鎗  
拒敵卑職用大礮攻打土城堅固從黎明至辰難  
以攻破卑職親督備弁兵丁冒險逼近土城乘隙  
越進殺死苗賊四十五名弁兵復奮力追趕連破

土城五座直追至小丹江之烏疊寨又殺死苗賊  
二十一名卑職督令放平逆靖蠻大礮打死苗賊  
數十直抵巢穴苗賊俱敗潰逃去隨將小丹江之  
烏疊大小八寨燒燬次日移營在小丹江駐劄所  
有開關破寨情形理合飛報等情又據鎮遠府知  
府方顯稟稱九股清水江一帶生苗地方遼濶卑  
職多遣土官人等分道前往化誨除已招之四千  
四百七十餘戶外今復招撫得一千零二十一戶

賞以花紅銀牌酒食苗情甚是踴躍聞風而來者紛紛將來所遣之人回覆又可得數千戶附近鎮遠九股清水江一帶生苗不難就緒等情各到臣至十二月初六日臣差探軍情弁員回滇據其口稟並接張廣泗手札與各員稟報無異該臣查得丹江生苗恃險負固兇頑異常雖屢經招撫剴切化道不但不知感悟亦且毫無畏懼若非大加勦除必致更貽後患今自三路進兵不及旬日小丹

江一帶俱已到處成功軍威大震賊苗喪膽雖據  
各員稟報苗人有饒命就撫之請正復未可輕信  
墮其緩計現已布置進取大丹江料不日可以全  
勝况古州八萬畧無反復九股清水江生苗已投  
誠五千數百餘戶只俟丹江一定其餘皆易就緒  
仰賴

聖主仁威歲內或可以報竣矣其湖南先發之兵一千  
名已調至鎮遠駐劄遙作聲勢統俟事畢再行遣

回至苗疆軍營一切情形

欽差收可登春山二臣皆已親見深知伊等不日回京  
復

命自能面陳詳細無庸臣多贅所有官兵克取小丹江  
緣由合再奏

聞伏乞

聖主睿鑒臣謹

奏


此事實皆

天

祖之慈恩卿等忠誠用力之所致建此從古未有之奇勲  
除邊方萬姓之永患朕嘉幸之懷筆難宣諭其善後事  
宜當詳慎料理惟以重兵彈壓爲要不可惜費省事待  
數年安帖時量減不遲也

硃批諭旨卷一百二十五之九





總校官庶吉士臣侍朝

校對官編修臣莫瞻菴

謄錄監生臣湯容渭